

晚清名儒年譜

陳祖武先生選
清人年譜系列

◎本社影印室 輯

◎北京圖書館出版社

陳垣武先生選
清人年譜系列

◎本社影印室 輯

◎北京圖書館出版社

晚清名儒年譜

⑨

第九冊目錄

裴光錄年譜(裴蔭森)	四卷	(清)裴士駙等輯	(清)徐嘉編		一
涇舟老人洪琴西先生年譜(洪汝奎)	四卷	(清)章洪鈞	陳作霖編	魏家驊重編	二四一
清麓年譜(賀瑞麟)	二卷	(清)張元勛編			三八五
賀清麓先生年譜(賀瑞麟)	一卷	孫乃琨編			五八三

裴光祿年譜卷一

男士駢孫樞樞輯

山陽徐嘉遜庵編次

公諱蔭森字樾岑江蘇阜甯人裴氏祖籍吳縣前明
諱重公者始遷淮安家洲臺

國朝雍正九年分建阜甯縣遂世爲阜甯人十一傳至
藻章公族姓漸繁公諱瑤郡庠生以詩書教鄉里公
之高祖也 曾祖諱登瀛字仙洲國學生

貤贈通奉大夫 妣氏王

貤封夫人 祖諱長齡字厚徵

誥贈資政大夫 妣氏伏

年譜
誥封夫人 考諱大保字定國

誥贈奉直大夫累贈資政大夫 妣氏陶

誥封宜人累封夫人 公兄弟四人長兄諱貫之字洞軒
以公官

貤封奉直大夫仲兄殤三兄諱守之字靜存從九職銜公
其季也

癸未
道光三年公生

公生以十一月二十二日卯時公家累葉耕讀隱德
弗曜至仙洲公定國公尤以淑身積善爲事公生有
異稟幼端重如成人好持書卷定國公閒教以字句

數過輒成誦無或遺忘祖母伏太夫人甚鍾愛之知

異常兒謂裴氏數世積累僅數人列庠序

按裴氏族譜克疑邑

庠生益貽郡庠生珍邑庠生瑋邑庠生

吾數十年艱愍將發於是子矣

甲申道光四年公二歲

乙酉道光五年公三歲

丙戌道光六年公四歲

丁亥道光七年公五歲

戊子道光八年公六歲

己丑道光九年公七歲

始就外傳從山陽庠生卞先生文英學

按文英字蔚靄先世自雍

正間授讀阜甯卽家洲臺子榮昌孫岑皆邑庠生
文英少能文十七歲應郡邑試輒冠曹偶困童試二
十年苦寡陋負笈郡公讀書聰慧先生曰吾欲得快
城師事潘四農先生

壻也因以女許字焉卞夫人是年八歲

庚寅道光十年公八歲

辛卯道光十一年公九歲

壬辰道光十二年公十歲

卞先生爲他學者講大學誠意章公曰小人拚其不
善想是天良難昧又謂大注誠者自修之首人何不
以誠待天下卞先生由是益器之每謂定國公曰是
讀書當大成毋囿於鄉僻也

癸道光十三年公十一歲

從卞先生克昌學

按卞先生文舉卒公因改從卞先生克昌

甲道光十四年公十二歲

乙道光十五年公十三歲

丙道光十六年公十四歲

丁道光十七年公十五歲

戊道光十八年公十六歲

以上數年或因歲荒家貧未能終歲入塾

光緒戊寅公示士驥

書云憶余童時家中無力延師致蹉跎歲月十七歲始出門讀書時過後學勤苦難成根柢不厚經術不深終身喫虧在此公專研經訓每獲剏解臯蘭朱氏克敬撰庵雜識云阜甯裴

觀察樾岑嘗言鄭風蓍兮乃國小勢弱求助兄弟之
詩謂蓍附於莖爲風所漂不能復合兄弟一本雖疏
遠猶當相助意
新而義甚確

己亥道光十九年公十七歲

就塾於韓家社從山陽歲貢生韓先生錞學

按錞字以諧公

表舅氏也

九月二十五日伏太夫人卒洲薶地逼河隄

當乾隆間河正南行其勢浩瀚厚徵公少賈屢客於

外庚子年十一月初五日公貿易河干霧夕登舟墮

水不知所在時定國公甫週歲伏太夫人年二十二

慟不欲生堂上兩代翁姑責以撫孤乃茹苦含辛維

持家計教子及孫里黨稱賢

按公戊午致同學劉鴻石周梧山曹蘊生汪曉

山書云竊念先世寒微先大父貿易河千植某夕大霧登舟失足遂葬魚腹中先大母慟不欲生屢赴河流家人屢救之時先君甫週歲堂上兩代翁姑責以撫孤大義忍死含冰六十餘年先君十七歲棄學就商往往負米百里外嗣得吾母佐理家政乃稍稍裕楊慶之裴節母傳恭逢 皇太后 恩詔循例邀旌綽楔有待蔭森痛幽光雖發潛牒請德仍湮繪紡鋟課讀圖徧徵題詠牒請

旌表節孝是年八十有一以無疾終葬洲壘南數里許

十月二十四日定國公卒定國公少業儒及十七歲棄學就商懋遷以佐甘旨嘗自策牛車或徒步入城市負米以歸至是貲產稍裕年六十居喪恆鬱鬱病旬日遂不起公哀毀瘠立佐兩兄營窆多喪禮不循流俗

庚子道光二十年公十八歲

辛丑道光二十一年公十九歲

去歲西洋英吉利國兵陷定海大學士琦善奉旨

往廣東查辦是年正月報攻破大角沙角礮臺直逼

虎門夷患自此始矣

壬寅道光二十二年公二十歲

公服闋負笈邑城從張先生庭桐學

按庭桐字子琴阜甯歲貢生議

敘主簿文名噪甚

公初見先生問定識定力先生謂定識定

力談何容易須立志養氣公謂志固不可不立然有志而不學則志亦漸卑學者不可專恃志而當恃學

先生歎賞不置公師事甚謹先生逝後歲時猶數謁其墓

癸卯道光二十三年公二十一歲

公立志苦學殫竭精力因患嗽血甚劇返洲疊調攝及愈仍往邑城勤學如前公勵志文藝兼及詩古文詞前哲語錄並勸善諸書每夜手錄數千言晝則熟誦精思雖琴墓亦不寓目十一月卜夫人來歸

甲辰道光二十四年公二十二歲

應淮安府試取前列第二名知府爲滿洲福楸公激賞公卷有國士之目

淮安府志職官知府福楸滿洲鑲白旗人二十三年任二十六

年再任
公字又新 按

乙巳道光二十五年公二十三歲

五月科試入縣學提督學政為涇陽張文毅公芾

阜寧

肄雅錄道光乙巳張宗師科考童生首題守孰為大
次題以大夫之招詩題賦得鳥散餘花落公入縣學
第二
名是月初十日長子士騏生

按士騏字少

丙午道光二十六年公二十四歲

十月初九日母陶太夫人卒陶太夫人事伏太夫人

孝謹起恆不待曙茗漿酒餌豫蓄潔治以進數十年

如一日述及姑艱愍狀則淚盈睫不異初喪操作縫

紉課子有法

楊慶之裴節母傳嗣婦陶氏助織作
家稍裕婦善體孀姑志司蘋蘩金錡暨

槐柳巾幘既秩秋無缺紊又勤課膝下
兒卽今蔭森茂才昆季也母自是始慰

公居喪哀

慘逾恆是月十六日合祔定國公墓墓去宅數十武

公每日謁墓酸泣至禪始罷

丁未道光二十七年公二十五歲

戊申道光二十八年公二十六歲

己酉道光二十九年公二十七歲

秋應省試未售公嗜勸善格言蒐購盈笥暇卽披閱
講勸與同舟來往友每肫復言感應之理人或笑以

爲迂公自若也

庚戌道光三十年公二十八歲

在家課士騏驎 洲臺鎮倚大河隄多古柳公每當
斜陽初落徘徊柳下輒高吟曰洲臺兩知己黃河與
青天至今父老猶道此二語 九月往郡城應歲試
考列三等靜存公責公以不勤作文徒好觀書公謂
帖括誠足取科名然書要不可廢效古人之操履拯
時勢之艱危非時藝所能盡也自是爲學益力有遠
游之志

辛亥 咸豐元年公二十九歲

就郡肄業居凌雲道院從山陽歲貢王先生賓游

按賓

字子鴻候選教諭
著有存古齋文集

應科試取列一等提督學政爲

滿洲青麐公

阜甯肄雅錄咸豐辛亥青宗師科考生員題孔子與之坐一節公取一等第八

名

五月二十三日次子士驄生

按士驄字小岑國學生

應

省試薦卷未售

本科鄉試四書首題子曰父母之年一節次題去讒遠色賤貨而貴德所以

勸賢也三題斧斤以時入山林材木不可勝用也詩題賦得家在江南黃葉村

壬子咸豐二年公三十歲

在郡肄業

著陰隲文散體闡義既成就正於楊笏

山先生公館舍距先生所居甚邇朝夕過從相切磋

嘗謂先生六經子史之學實能貫澈源流不獨以文

章雄一郡也

笏山先生卒後家貧甚公時卹其子孫按笏山先生名慶之山陽恩貢生著

有一草亭詩文集春宵嚙蹟駢班歌棗籜詩詰五弗措子卷勺就正草

館前阜甯知

縣舒公文彬寓

淮安府志職官知縣舒文彬懷甯人貢生道光二十八年署按舒公字

質君時延公課子宗元秉元需宗元字維垣浙江候補典史秉元字岱雲候選訓導需字雲亭現權江蘇

杭縣

秋 慈省試薦卷復報罷

本科鄉試四書首題子曰道之以政一章

次題布在方策三題其實皆什一也徹者徹也助者藉也詩題賦得半潭秋水一房山

撰近

科戒淫集說刊於郡城

說略云天津惟淫最重人禍

亦惟淫最捷又云謹勸有志之士銘心刻骨未犯者宜防失足已犯者務早回頭思發案候於風晨月夕之中念觀榜時於楚岫巫雲之地是亦閑邪之捷法也甲子嘉為重刻印五千紙攜入都

癸丑 咸豐三年公三十一歲

先是道光庚戌六月粵西逆首洪秀全與黨楊秀清等起於桂平縣之金田村咸豐壬子竄入湖南境